



Bargostipeanda visuála dáiddáriidda

Fylkkaráđi čakčamánu 5. beaivvi 2023 mearridan váldonjuolggadusat

1. Stipeandda hárrái

Stipeandaortnet lea ekonomalaš váikkuhangaskaoapmi, mii galgá veahkehit fitnolaš dáiddalaš ovdáneapmái Finnmárkkus, ja maiddái nannet dáiddáriid vejolašvuoda ássat ja bargat fylkkas. Ortnet lea oaivilduvvon dáiddáriidda, geat barget visuála dáidagiin ámmátčehppodahkan. Bargostipeanda juolluduvvo guovtti jahkái. Stipeanda lea 100 000 kruvnnu goabbat jahkái.

2. Ulbmil

Fylkkagieldda bargostipeanda visuála dáiddáriidda galgá nannet dáiddáriid vejolašvuoda vuoruhit dáiddalaš barggu ja ovdánit sin iežaset dáiddasuorggis. Stipeanda galgá addit áiggi ja ávvoa gártadit odđa gealbba, gárgedit odđa prošeavttaid ja ain ovddos guvlui gárgedit dáiddalašvuoda.

3. Gii sáhtta ohcat

- 3.1. Ohcci ferte leat barggolaš dáiddár govvadáidaga, dáiddaduoji dahje fotodáidaga siskkobealde.
- 3.2. Ohccis ferte leat dáiddalaš doaibma su váldobargun, ja son ferte leat almmuhan dáiddabargguid dahje gaskkustan dáidagis almmolaš oktavuodas ovdal.
- 3.3. Ohccis ferte leat dáiddafágalaš bachelordási dahje alit dási oahppu, ja/dahje miellahttovuohta fágaorganisašuvnnas, dahje ferte deavdit vuodđoorganisašuvnnaid sisabeassangáibádusaid.
- 3.4. Ohcci ferte leat Finnmárkku fylkkas ássi ja doaibmi stipeandaáigodagas.

4. Masa sáhtta stipeandda geavahit

- 4.1. Stipeandda galgá atnit bargui, dása lohkkjuvvo mielde konkrehta dáiddalaš prošeakta, fágalaš čieknun ja áhtanuššan, ja eará golut maid mat gullet njuolga luovvandoibmii. Osiid stipeanddas sáhtta maid atnit oahppomátkái dahje oanehet resideansaorostallamii.
- 4.2. Stipeandda ii sáhte atnit ealáhusdoaimma álggaheapmái dahje doaimma ceggemii.
- 4.3. Stipeandda ii sáhte atnit ruhtadit lohkama masa dábálaččat sáhtta oažžut doarjaga Stáhta oahppoloatnakássas. Stipeanda iige sáhte adnojuvot studeantaprošeavttaide (prošeavttaide mat ráhkaduvvojit oassin lohkamis).

5. Gáibádusat ohcamuššii

Ohcamuš sáddejuvvo elektrovnnalaččat ohcanskovi bokte mii lea fylkkagieldda neahttasiidduin. Mildosat ohcamuššii lástejuvvojit ohcanskovái. Buot mildosat galget leat PDF-formáhtas. Ohcanskovis bivdojuvvojit čuovvovaččat:

- 5.1. Oktavuodadieđut
- 5.2. Dáiddalaš doaimma oanehis válddahallan, mii addá stipeandapanelii áddejumi mainna ohcci bargá sihke temáhtalaččat ja teknihkalaččat. Guovdilastit galgá odđaset aktivitehta ja prošeavttaid mañimuš viđa jagis (dokumenterejuvvon dáiddabargguid duogáš ohcamušas, geahča čuoggá 5.5.).
- 5.3. Boahttevaš dáiddalaš juksanmearit ja plánat, áinnas konkrehta dáiddalaš prošeavttat, ja oanehis válddahallan masa ohcci áigu geavahit stipeandaáigodaga.

- 5.4. 3 mildosa rádjai mat duođaštit doaimma dáiddárin. Dokumentašuvdna galgá mitaliit ođđaset bargguin, ja galgá ovddastit dáiddalaš doaimma ja barggu. Govvadokumentašuvdna addojuvvo PDFan nu ahte buot dáiddabargguid dokumentašuvdna čohkkejuvvo ovttahat PDFii mii lea eanemustá 12 siidosas. Video- og jietnadokumentašuvdna biddjojuvvo mielde neahttalijkan (omd. Vimeo, YouTube, SoundCloud). Neahttalijkkat galget čujuhit njuolga guoskevaš materiálii. Juos sisačállindieđut gáibiduvvojit, de ferte juohke lijkka beassansátni dieđihuvvot. Materiála ferte leat duhkodagas uhcimustá 6 mánu manjil ohcanáigemeari.
- 5.5. CV mii lea 3 A4-siiddu rádjai guhku, galgá lástejuvvot PDF-fiilan. CV dahká vuđđosa aktivitehtaárvoštallamii, ja galgá sisdoallat dieđuid: (1) čuožžovaš dáiddalaš oahpu birra, (2) dáiddalaš doaimma ja buvttadeami birra, sihke čađahuvvon ja plánejuvvon prošeavttaid birra, ja maid (3) eará čuožžovaš dieđuid dáiddalaš doaimma gorrái, nugo vuostáváldojuvvon stipeandaid, bálkkašumiid ja ruđalaš doarjagiid, sisaostojumiid, čingahemiid ja sullasaččaid birra. Boahttevaš aktivitehta galgá duššefal váldojuvvot mielde CVii juos dat lea duođaštuvvon.

Ohcamuš árvoštallojuvvo dieđuid vuodul mat leat biddjojuvvon ohcamuššii. Buot bajásčuvgehusat mat jerrojuvvojit váldonjuolggadusain, ja maiddái eará dieđut maid ohcci dáhttu váldit mielde árvoštallamii, fertejit biddjojuvvot ohcamuššii.

6. Ohcanáigemearri

Ohcanáigemearri lea juohke nuppi jagi golggotmánu 15. beaivvi diibmu 13:00. Ohcamušat mat bohtet sisa manjil ohcanáigemeari, eai gieđahallojuvo.

7. Áššejohtu

- 7.1. Dáidda- ja kulturovdánahttima juogus lea ortnega čállingoddi, ja vuostáváldá ja logahallá ohcamušaid, ja ráhkkanahhtáge daid stipeandapanela gieđahallamii. Bargu galgá čuovvut hálddahuslága mearrádusaid áššegieđahallama hárrái, masa gullá maiddái easttahisvuhta, jávohisvuodageasku ja bagadallangeatnegasvuhta.
- 7.2. Fylkkaráđđi juolluda stipeandda stipeandapanela mearrádusevttohusa mielde.
- 7.3. Fylkkagiela váldá oktavuodá stipeandda vuostáváldiin. Stipeanda juhkkojuvvo fylkkadikki oktavuodas.
- 7.4. Buot ohccit ožžot elektrovnnalaš mearrádusreive go áššemannotat lea loahpahuvon.

8. Stipeandapanela

- 8.1. Stipeandapanelas leat golmma lahtu rájes njealji lahtu rádjai geain lea viiddis dáiddafágalaš gealbu.
- 8.2. Lahtuid nammada fylkkagiela visuála dáidaga fágaorganisašuvnnaid ja eará čuožžovaš oassádalliid oaiviladdimiid vuodul, ja sisabohtán ohcamušaid mielde maid.
- 8.3. Golmmas dáiddafágalaš panelalahtuin berrejit ovddastit Davvi-Norgga iešguđet dáiddárorganisašuvnnaid. Njealját dáiddafágalaš lahttu berre ássat ja doaimmat eará osiin riikkas..
- 8.4. Juohke juolludeami várás ceggejuvvo ođđa stipeandapanela.
- 8.5. Panelalahtut geain lea čatnaseapmi evttohasaide, priváhta dahje fitnolaččat, galget dieđihit hálddahussii ja eará panelalahtuide iežaset gaskavuodá birra evttohasii. Juos lea bearašgullevašvuhta evttohasii, dahje juos priváhta servoštallá evttohasain, de lea panelalahttu easttalaš.

9. Ohcamušaid árvoštallan ja vuoruheapmi

- 9.1. Stipeandapanela árvoštallá ja evttoha ohcciid dáiddalaš kvalitehta ja aktivitehta muttolaš árvoštallama vuodul, ja maiddái stipeandaortnega gustovaš váldonjuolggadusaid mielde.
- 9.2. Stipeandapanela deattuha gealbbu, juksanmeriid ja boahttevaš potenciála, iešlági ja ođđahutkannávccaid, ja maid ohcamuša lávedeamii.

9.3. Álgovuodus ii galgga juolluduvvot dáiddáree stipeanda eambo go oktii.

10. Olggsmáksin ja raporteren

- 10.1. Bargostipeanda lea kr 100 000 goabbat dan guovtti jahká. Stipeanda máksojuvvo oktii jagis.
- 10.2. Ohcci geasa juolluduvvo stipeanda, galgá sáddet fáktura fylkkagildii maŋŋilgo mearrádušreivve lea vuostáváldán.
- 10.3. Stipeanda máksojuvvo nuppi jahká fáktura vuodul maŋŋilgo vuostáváldi lea addán oanehis čoahkkáigeasu vuosttas jagi dáiddalaš aktivitehtas ja stipeandda geavaheamis.
- 10.4. Stipeandavuostáváldi ferte addit loahpparaportta iežas dáiddalaš barggus stipeandaáigodagas, oktan árvoštallamiin maid stipeanda lea mearkkašan su dáiddalaš áhtanuššamii. Juos dáiddalaš plánat leat nuppástuvvan, de galgá dát čielggaduvvot. Raporterenáigemearri lea ovdal njukčamánu loahpa jagi maŋŋilgo stipeandaáigodat lea loahppan.